

შპს „მაგთიკომი“

კონსოლიდირებული ფინანსური
ანგარიშგება
2025 წლის



შპს "KPMG Georgia"
მე-5 სართული, GMT პლაზა
მთაწმინდის რაიონი, თავისუფლების მოედანი N4 (ნაკვეთი 66/4)
თბილისი, საქართველო 0105
IN 404437695
ტელეფონი +995 322 93 5713
ინტერნეტი: www.kpmg.ge

დამოუკიდებელი აუდიტორის დასკვნა

შპს „მაგთიკომის“ აქციონერებისთვის

მოსაზრება

ჩვენ ჩავატარეთ შპს „მაგთიკომის“ (შემდგომში „კომპანია“) და მისი შვილობილი კომპანიის (შემდგომში „ჯგუფი“) კონსოლიდირებული ფინანსური ანგარიშგების აუდიტი, რომელიც შედგება 2025 წლის 31 დეკემბრის მდგომარეობით მომზადებული კონსოლიდირებული ფინანსური მდგომარეობის ანგარიშგებისგან, აღნიშნული თარიღით დამთავრებული წლის კონსოლიდირებული მოგების ან ზარალის და სხვა სრული შემოსავლის ანგარიშგების, კონსოლიდირებული საკუთარი კაპიტალის ცვლილებების ანგარიშგებისა და კონსოლიდირებული ფულადი ნაკადების ანგარიშგებისგან, ასევე კონსოლიდირებულ ფინანსურ ანგარიშგებაზე თანდართული შენიშვნებისგან, მათ შორის ყველა არსებითი სააღრიცხვო პოლიტიკის შესახებ ინფორმაციისა და სხვა განმარტებითი ინფორმაციისგან.

ჩვენი აზრით, თანდართული კონსოლიდირებული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს ჯგუფის კონსოლიდირებულ ფინანსურ მდგომარეობას 2025 წლის 31 დეკემბრის მდგომარეობით, აგრეთვე მისი საქმიანობის კონსოლიდირებულ ფინანსურ შედეგებსა და კონსოლიდირებულ ფულად ნაკადებს იმ წლისთვის, რომელიც დასრულდა მოცემული თარიღით, ბუღალტრული აღრიცხვის საერთაშორისო სტანდარტების საბჭოს მიერ გამოშვებული ფინანსური ანგარიშგების საერთაშორისო სტანდარტების (ფასს აღრიცხვის სტანდარტები) შესაბამისად.

მოსაზრების საფუძველი

აუდიტს წარვმართავდით აუდიტის საერთაშორისო სტანდარტების (ასს-ების) შესაბამისად. ამ სტანდარტებით განსაზღვრული ჩვენი პასუხისმგებლობა დეტალურად აღწერილია ჩვენი დასკვნის „აუდიტორის პასუხისმგებლობა კონსოლიდირებული ფინანსური ანგარიშგების აუდიტზე“ -ნაწილში. ჩვენ დამოუკიდებელი ვართ ჯგუფისგან ბუღალტრულ ეთიკის სტანდარტების საერთაშორისო საბჭოს (ბესს) პროფესიონალი ბუღალტრების ეთიკის კოდექსისა (დამოუკიდებლობის საერთაშორისო სტანდარტების ჩათვლით) და იმ ეთიკური ნორმების შესაბამისად, რომლებიც ეხება ჩვენ მიერ საქართველოში ჩატარებულ კონსოლიდირებული ფინანსური ანგარიშგების აუდიტს. გარდა ამისა, შევასრულეთ ამ ნორმებით და ბესს-ის ეთიკის კოდექსით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისათვის აუცილებელი საფუძვლის შესაქმნელად.

მმართველობითი ანგარიში

ხელმძღვანელობა პასუხს აგებს მმართველობით ანგარიშზე. მმართველობითი ანგარიში ჩვენთვის ხელმისაწვდომი გახდება წინამდებარე აუდიტორის დასკვნის გაცემის თარიღის შემდეგ.

ჩვენი მოსაზრება კონსოლიდირებული ფინანსური ანგარიშგების შესახებ, არ მოიცავს მმართველობით ანგარიშს და ჩვენ არ გავცემთ არანაირი სახის მარწმუნებელ დასკვნას მმართველობითი ანგარიშის შესახებ.



შპს „მაგთიკომი“

დამოუკიდებელი აუდიტორის დასკვნა
გვერდი 2

ჩვენი პასუხისმგებლობა, ჩვენ მიერ კონსოლიდირებული ფინანსური ანგარიშგების აუდიტთან დაკავშირებით, მოიცავს ზემოთ ხსენებული მმართველობითი ანგარიშის გაცნობას მას შემდეგ, რაც ის ჩვენთვის ხელმისაწვდომი გახდება და განსაზღვრას, არის თუ არა მმართველობითი ანგარიში არსებითად შეუსაბამო კონსოლიდირებულ ფინანსურ ანგარიშგებასთან ან ჩვენ მიერ აუდიტის პროცესში მიღებულ ცოდნასთან, ან სხვაგვარად ხომ არ შეიცავს არსებით უზუსტობებს.

მას შემდეგ, რაც ჩვენ გავცნობით მმართველობით ანგარიშს, ჩვენ სხვა ინფორმაციასთან დაკავშირებით ვასკვნით, სხვა ინფორმაცია:

- შეესაბამება თუ არა კონსოლიდირებულ ფინანსურ ანგარიშგებას და მოიცავს თუ არა არსებით უზუსტობებს;
- მოიცავს თუ არა ყველა ინფორმაციას, რომელსაც მოითხოვს და რომელიც შეესაბამება საქართველოს კანონს ბუღალტრული აღრიცხვის, ანგარიშგებისა და აუდიტის შესახებ.

ხელმძღვანელობისა და მეთვალყურეობაზე პასუხისმგებელ პირთა პასუხისმგებლობა კონსოლიდირებულ ფინანსურ ანგარიშგებაზე

ხელმძღვანელობა პასუხისმგებელია თანდართული კონსოლიდირებული ფინანსური ანგარიშგების მომზადებასა და სამართლიან წარდგენაზე, ფინანსური ანგარიშგების საერთაშორისო სტანდარტების (ფასს აღრიცხვის სტანდარტები) შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი კონსოლიდირებული ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

კონსოლიდირებული ფინანსური ანგარიშგების მომზადებისას, ხელმძღვანელობას ევალება, შეაფასოს ჯგუფის ფუნქციონირებადობის უნარი და აუცილებლობის შემთხვევაში, კონსოლიდირებული ფინანსური ანგარიშგების შენიშვნებში განმარტოს საკითხები, რომლებიც დაკავშირებულია ჯგუფის ფუნქციონირებადობასთან და ანგარიშგების საფუძვლად ჯგუფის ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს ჯგუფის ლიკვიდაცია ან საქმიანობის შეწყვეტა, ან თუ არ აქვს სხვა რეალური არჩევანი, ასე რომ არ მოიქცეს.

მეთვალყურეობაზე პასუხისმგებელი პირები პასუხისმგებლები არიან ჯგუფის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა კონსოლიდირებული ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, თანდართული კონსოლიდირებული ფინანსური ანგარიშგება შეიცავს თუ არა შეცდომით ან თაღლითობით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებულებაა, მაგრამ არ არის იმის გარანტია, რომ ასს-ების საფუძველზე ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ, გონივრულ ფარგლებში, მოსალოდნელია, რომ ისინი ცალ-ცალკე ან ერთობლივად, გავლენას მოახდენენ იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან წინამდებარე კონსოლიდირებულ ფინანსურ ანგარიშგებას.

ასს-ს შესაბამისად, აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, კონსოლიდირებული ფინანსური ანგარიშგების არსებით უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორ ინფორმაციის მიწოდებას ან შიდა კონტროლის იგნორირებას.

- შევისწავლით აუდიტისთვის შესაფერის შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ჯგუფის შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული სააღრიცხვო პოლიტიკის მიზანშეწონილობას, ხელმძღვანელობის მიერ განსაზღვრული სააღრიცხვო შეფასებების დასაბუთებულობასა და შესაბამისი ახსნა-განმარტებების მართებულობას.
- დასკვნა გამოგვაქვს ხელმძღვანელობის მიერ ანგარიშგების საფუძველად ჯგუფის ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა ჯგუფის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება კონსოლიდირებული ფინანსური ანგარიშგების შესაბამისი შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება ჯგუფი უკვე აღარ იყოს ფუნქციონირებადი საწარმო.
- ვაფასებთ კონსოლიდირებული ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, განმარტებით შენიშვნებს და ასევე, კონსოლიდირებული ფინანსური ანგარიშგება უზრუნველყოფს თუ არა კონსოლიდირებული ფინანსური ანგარიშგების საფუძველად აღებული ოპერაციებისა და მოვლენების სამართლიან წარდგენას.
- ვგეგმავთ და ვატარებთ ჯგუფის აუდიტს, რათა მივიღოთ საკმარისი და შესაბამისი აუდიტორული მტკიცებულება ჯგუფის შიგნით არსებული საწარმოების ან ბიზნეს ერთეულების ფინანსურ ინფორმაციასთან დაკავშირებით, ჯგუფის ფინანსური ანგარიშგების შესახებ მოსაზრების გამოხატვის საფუძველის სახით. ჩვენ პასუხისმგებელი ვართ ჯგუფის აუდიტის მიზნებისთვის ჩატარებული აუდიტორული სამუშაოს ხელმძღვანელობაზე, ზედამხედველობასა და მიმოხილვაზე. ჩვენ ერთპიროვნულად ვაგებთ პასუხს ჩვენს აუდიტორულ მოსაზრებაზე.

მეთვალყურეობაზე პასუხისმგებელ პირებს, სხვასთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

მოცემული აუდიტის, რომლის შედეგადაც შედგენილია წინამდებარე დამოუკიდებელი აუდიტორის დასკვნა, გარიგების პარტნიორია:

ნინო ჩიხლაძე

შპს "KPMG Georgia"
თბილისი, საქართველო
3 აპრილი 2026 წელი



	შენიშვნა	31 დეკემბერი 2025	31 დეკემბერი 2024
		'000 აშშ დოლარი	'000 აშშ დოლარი
აქტივები			
გრძელვადიანი აქტივები			
ძირითადი საშუალებები	11	266,726	215,193
არამატერიალური აქტივები და გუდვილი	12	118,666	121,833
აქტივები გამოყენების უფლებით	17	7,681	8,530
ძირითადი საშუალებებისთვის გადახდილი ავანსები		5,119	8,902
IRU ხელშეკრულებების ფარგლებში გადახდილი ავანსები		2,176	2,335
სულ გრძელვადიანი აქტივები		400,368	356,793
მოკლევადიანი აქტივები			
მარაგები		1,850	1,307
სავაჭრო და სხვა მოთხოვნები	13	6,957	6,442
მოკლევადიანი აქტივებისთვის გადახდილი ავანსები		2,885	2,332
ფულადი სახსრები და მათი ეკვივალენტები	14	58,116	67,729
სულ მოკლევადიანი აქტივები		69,808	77,810
სულ აქტივები		470,176	434,603
კაპიტალი და ვალდებულებები			
კაპიტალი			
განთავსებული კაპიტალი	15	5,000	5,000
დამატებით გადახდილი კაპიტალი		2,503	2,503
უცხოურ ვალუტაში კონვერტაციის რეზერვი		(109,870)	(125,485)
გაუნაწილებელი მოგება		513,922	467,083
სულ კაპიტალი		411,555	349,101
გრძელვადიანი ვალდებულებები			
საიჯარო ვალდებულება	17	6,949	8,408
IRU ხელშეკრულებების ფარგლებში მიღებული ავანსები	5	2,923	3,489
სულ გრძელვადიანი ვალდებულებები		9,872	11,897
მოკლევადიანი ვალდებულებები			
საიჯარო ვალდებულება	17	2,733	2,182
გადასახდელი ლიცენზია	18	-	29,429
სავაჭრო და სხვა ვალდებულებები	18	27,612	26,072
IRU ხელშეკრულებების ფარგლებში მიღებული ავანსები	5	694	654
კლიენტთა დეპოზიტები და გადავადებული შემოსავალი	5	17,710	15,268
სულ მოკლევადიანი ვალდებულებები		48,749	73,605
სულ ვალდებულებები		58,621	85,502
სულ კაპიტალი და ვალდებულებები		470,176	434,603

კონსოლიდირებული ფინანსური მდგომარეობის ანგარიშგება წაკითხული უნდა იქნეს შენიშვნებთან ერთად, რომელიც განუყოფელი ნაწილია კონსოლიდირებული ფინანსური ანგარიშგების და განთავსებულია 10- 48 გვერდებზე.

შენიშვნა	2025		2024	
	'000 აშშ დოლარი		'000 აშშ დოლარი	
შემოსავალი	5	282,297		270,292
გაყიდვების თვითღირებულება	6	(111,576)		(98,150)
საერთო მოგება		170,721		172,142
ძირითადი საშუალებების გასვლასთან დაკავშირებული ზარალი		(439)		(24)
სავაჭრო და სხვა მოთხოვნების გაუფასურების ზარალი	19	(135)		(126)
გაყიდვებთან დაკავშირებული, საერთო და ადმინისტრაციული ხარჯები	7	(20,322)		(19,589)
სხვა შემოსავალი, წმინდა		371		1,462
საოპერაციო საქმიანობების შედეგები		150,196		153,865
ფინანსური შემოსავალი	9	5,704		13,654
ფინანსური ხარჯები	9	(7,494)		(7,422)
წმინდა ფინანსური (ხარჯები)/შემოსავალი		(1,790)		6,232
მოგება, მოგების გადასახადით დაბეგრამდე		148,406		160,097
მოგების გადასახადის ხარჯი	10	(15,251)		(22,616)
წლის მოგება		133,155		137,481
სხვა სრული შემოსავალი/(ზარალი) ერთეულები, რომლებიც არასოდეს იქნება რეკლასიფიცირებული მოგებაში ან ზარალში				
უცხოურ ვალუტაში კონვერტაციით გამოწვეული სხვაობები		15,615		(16,568)
სხვა სრული შემოსავალი/(ზარალი) წლის განმავლობაში		15,615		(16,568)
მთლიანი სრული შემოსავალი წლის განმავლობაში		148,770		120,913

წინამდებარე კონსოლიდირებული ფინანსური ანგარიშგება დამოწმებულია ხელმძღვანელობის მიერ 2026 წლის 3 აპრილს და მისი სახელით დოკუმენტზე ხელს აწერენ:

გორგი გაგნიძე
გენერალური დირექტორი



დავით დონაძე
ფინანსური დირექტორი

კონსოლიდირებული მოგების ან ზარალის და სხვა სრული შემოსავლის ანგარიშგება წაკითხული უნდა იქნეს შენიშვნებთან ერთად, რომელიც განუყოფელი ნაწილია კონსოლიდირებული ფინანსური ანგარიშგების და განთავსებულია 10- 48 გვერდებზე.

1. ზოგადი ინფორმაცია

(a) საქართველოს ბიზნეს გარემო

ჯგუფის საქმიანობა ხორციელდება საქართველოში. შესაბამისად, ჯგუფზე ზემოქმედებს საქართველოში მოქმედი ეკონომიკური ფაქტორები და ფინანსური ბაზრები, რომლებიც განვითარებადი ბაზრის თვისებებით ხასიათდება. საკანონმდებლო, საგადასახადო და მარეგულირებელი ნორმები განაგრძობენ განვითარებას, თუმცა ისინი ექვემდებარებიან განსხვავებულ ინტერპრეტაციებს და განიცდიან ხშირ ცვლილებებს, რაც სხვა საკანონმდებლო და ფისკალურ სირთულეებთან ერთად, საქართველოში მოქმედი ორგანიზაციებისთვის გარკვეულ გამოწვევებს წარმოქმნის.

წინამდებარე კონსოლიდირებული ფინანსური ანგარიშგება ასახავს ხელმძღვანელობის მიერ საქართველოს ბიზნეს გარემოს გავლენის შეფასებას ჯგუფის ოპერაციებსა და ფინანსურ მდგომარეობაზე. მომავალი ბიზნეს გარემო შეიძლება განსხვავდებოდეს ხელმძღვანელობის შეფასებებისაგან.

(b) ორგანიზაცია და ოპერაციები

წინამდებარე კონსოლიდირებული ფინანსური ანგარიშგება მოიცავს შპს „მაგთიკომის“ (შემდგომში „კომპანია“) და მისი შვილობილი კომპანიის ფინანსურ ანგარიშგებას, როგორც წარმოდგენილია შენიშვნაში 20 (ერთად მოხსენიებული როგორც „ჯგუფი“, ხოლო ცალ-ცალკე „ჯგუფის საწარმოები“).

კომპანია წარმოადგენს შეზღუდული პასუხისმგებლობის საზოგადოებას „მეწარმეთა შესახებ საქართველოს კანონის“ შესაბამისად და მისი რეგისტრაციის ნომერია: 5/4-385.

შპს „მაგთიკომი“ დაფუძნდა 1996 წლის 12 თებერვალს და კომერციული საქმიანობა 1997 წლის 22 სექტემბერს დაიწყო. კომპანიის იურიდიული მისამართია: საქართველო, თბილისი 0186, პოლიტკოვსკაიას ქ. №7

შპს „მაგთიკომის“ ძირითადი საქმიანობა საქართველოში მობილური უსადენო და ფიქსირებული სადენიანი სატელეფონო ქსელების ოპერირებაა. 2016 წლის 1 აგვისტოს, კომპანიამ შეიძინა საცალო ინტერნეტ ბიზნესი შპს „კავკასუს ონლაინ“-საგან და მას შემდეგ კორპორატიულ და ინდივიდუალურ კლიენტებს ასევე სთავაზობს ინტერნეტისა და ინტერნეტ-ტელევიზიის (IPTV) მომსახურებას საქართველოში.

2016 წლის 21 ნოემბერს, შპს „მაგთიკომმა“ შეიძინა შპს „დელტა კომის“ 100%-იანი საკუთრების წილი. შპს „დელტა კომის“ ძირითად საქმიანობას წარმოადგენს ISP ინფრასტრუქტურის მშენებლობა, მისი ინფრასტრუქტურიდან კონკრეტულ გაუნათებელ ოპტიკურ-ბოჭკოვან კაბელებზე წვდომის უზრუნველყოფა და ინტერნეტ მომსახურების გაწევა საქართველოს გარკვეულ რეგიონებში.

2024 წელს, „მაგთიკომმა“ შეიძინა 5G სპექტრის ლიცენზია კომუნიკაციების კომისიის მიერ გამოცხადებული აუქციონის საშუალებით და წარმატებით დაიწყო კომერციული 5G მომსახურების გაწევა 2024 წლის 23 ოქტომბერს (იხ. ასევე შენიშვნები 11 და 12).

2024 წლის 25 ივლისს, კომუნიკაციების კომისიამ გამოსცა ბრძანება G-24-9/331, რომლითაც მაგთიკომი აღიარა როგორც მნიშვნელოვანი საბაზრო ძალაუფლების მქონე ოპერატორი საქართველოში მობილური კომუნიკაციების მომსახურების საბითუმო ბაზარზე. როგორც მნიშვნელოვანი საბაზრო ძალაუფლების მქონე ოპერატორი, მაგთიკომი უნდა აკმაყოფილებდეს კომუნიკაციების კომისიის მიერ დადგენილ კონკრეტულ პირობებსა და მოთხოვნებს. იგი ვალდებულია უზრუნველყოს დაშვება მობილური კომუნიკაციების საბითუმო მომსახურებაზე ნებისმიერი დაინტერესებული მხარისთვის, მათ შორის ეროვნული როუმინგი,

მობილური ვირტუალური ქსელის ოპერატორები (MVNO) და კოლოკაციის სივრცის უზრუნველყოფა. 2025 წლის 31 დეკემბრის მდგომარეობით, ჯგუფს არ ჰყავს კონტრაგენტები, რომლებიც იყენებენ ასეთ საბითუმო მობილური კომუნიკაციების სერვისებს.

2024 წლის 8 აგვისტოს, კომუნიკაციების კომისიამ გამოსცა ბრძანება G-24-9/361, რომლითაც მაგთიკომი აღიარა, როგორც მნიშვნელოვანი საბაზრო ძალაუფლების მქონე ოპერატორი საქართველოში ფიქსირებული ფართოზოლოვანი მომსახურების საბითუმო ბაზარზე. როგორც მნიშვნელოვანი საბაზრო ძალაუფლების მქონე ოპერატორი, მაგთიკომი უნდა აკმაყოფილებდეს კომუნიკაციების კომისიის მიერ დადგენილ კონკრეტულ პირობებსა და მოთხოვნებს. ამ ბრძანების თანახმად, „მაგთიკომი“ ვალდებულია უზრუნველყოს საბითუმო ფიქსირებული საკომუნიკაციო სერვისების, VULA წვდომისა და Bitstream წვდომის (წინასწარ განსაზღვრული ტარიფებით) ხელმისაწვდომობა. 2025 წლის 31 დეკემბრის მდგომარეობით, ჯგუფს არ ჰყავს კონტრაგენტები, რომლებიც იყენებენ ასეთ საბითუმო ფიქსირებულ საკომუნიკაციო მომსახურებას.

ჯგუფის მესაკუთრეები არიან "International Telcell Cellular LLC" ამერიკის შეერთებულ შტატებში რეგისტრირებული კომპანია („International TC LLC“), რომელიც ფლობს ჯგუფის 51%-ს და "Telcell Wireless LLC", ამერიკის შეერთებულ შტატებში რეგისტრირებული კომპანია („Telcell Wireless“), რომელიც ჯგუფში 49%-იან საკუთრების წილს ფლობს. ჯგუფის საბოლოო მშობელი კომპანიაა "International TC LLC", ხოლო ჯგუფის საბოლოო მკონტროლებელ მხარეს წარმოადგენს ფიზიკური პირი - დოქტორი გიორგი ჯოხთაბერიძე. ოპერაციები დაკავშირებულ მხარეებთან განხილულია 23-ე შენიშვნაში.

2. აღრიცხვის საფუძველი

(a) შესაბამისობა

წინამდებარე კონსოლიდირებული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საჭირო მიერ გამოშვებული ფინანსური ანგარიშგების საერთაშორისო სტანდარტებთან („ფასს აღრიცხვის სტანდარტები“) სრულ შესაბამისობაში.

(b) ფუნქციონირებადი საწარმო

წინამდებარე ფინანსური ანგარიშგება მომზადებულია ფუნქციონირებადობის პრინციპის გამოყენებით.

3. სამუშაო და წარსადგენი ვალუტა

საქართველოს ეროვნულ ვალუტას ლარი წარმოადგენს, რომელიც კომპანიის და მისი შვილობილი კომპანიის სამუშაო ვალუტაა.

წინამდებარე კონსოლიდირებული ფინანსური ანგარიშგება წარმოდგენილია აშშ დოლარში, რადგან ხელმძღვანელობას მიაჩნია, რომ ამ ვალუტაში კონსოლიდირებული ფინანსური ანგარიშგების წარდგენა უფრო მნიშვნელოვანია კონსოლიდირებული ფინანსური ანგარიშგების მომხმარებლებისათვის. აქტივები და ვალდებულებები, კონსოლიდირებული ფინანსური მდგომარეობის თითოეულ ანგარიშგებაში, კონვერტირდება ლარიდან აშშ დოლარში, ფინანსური მდგომარეობის თარიღისათვის მოქმედი ვალუტის გაცვლითი კურსით. განთავსებული კაპიტალი და დამატებით გადახდილი კაპიტალი ლარიდან აშშ დოლარში ისტორიული გაცვლითი კურსის გამოყენებით კონვერტირდება. შემოსავალი და ხარჯი თითოეული კონსოლიდირებული მოგების ან ზარალის და სხვა სრული შემოსავლის ანგარიშგებისთვის ლარიდან აშშ დოლარში საშუალო გაცვლითი კურსების გამოყენებით კონვერტირდება. ფულადი ნაკადები თითოეული კონსოლიდირებული ფულადი ნაკადების ანგარიშგებისთვის ლარიდან აშშ დოლარში საშუალო გაცვლითი კურსების გამოყენებით კონვერტირდება.

შედეგად მიღებული კონვერტაციის სხვაობა აღრიცხულია სხვა სრულ შემოსავალში და უცხოური ვალუტის კონვერტაციის რეზერვში არის წარმოდგენილი. კონვერტაციის მიზნებისთვის გამოყენებულ იქნა შემდეგი გაცვლითი კურსები:

– 2025 წლის 31 დეკემბრისთვის- 1 აშშ დოლარი -	2.6951 ლარი
– 2025 წლის საშუალო გაცვლითი კურსი - 1 აშშ დოლარი -	2.7422 ლარი
– 2024 წლის 31 დეკემბრისთვის- 1 აშშ დოლარი -	2.8068 ლარი
– 2024 წლის საშუალო გაცვლითი კურსი - 1 აშშ დოლარი -	2.7208 ლარი

საქართველოს გარეთ ლარი არ არის ხშირად კონვერტირებადი ვალუტა, შესაბამისად ლარის აშშ დოლარში კონვერტირება არ უნდა იქნას აღქმული, როგორც განცხადება იმის შესახებ, რომ ლარში დენომინირებული თანხა იყო, შესაძლოა იყოს ან მომავალში იქნება კონვერტირებული აშშ დოლარში წარმოდგენილი გაცვლითი კურსით, ან ნებისმიერი სხვა გაცვლითი კურსით.

აშშ დოლარში წარმოდგენილი ყველა ფინანსური ინფორმაცია დამრგვალებულია უახლოეს ათასეულამდე.

4. შეფასებებისა და მსჯელობების გამოყენება

ფასს აღრიცხვის სტანდარტების შესაბამისი კონსოლიდირებული ფინანსური ანგარიშგების მომზადება ხელმძღვანელობისგან მოითხოვს მსჯელობებს, შეფასებებსა და დაშვებებს, რომლებიც გავლენას ახდენენ სააღრიცხვო პოლიტიკების გამოყენებაზე და წარმოდგენილი აქტივების, ვალდებულებების, შემოსავლებისა და ხარჯების ოდენობებზე. ფაქტობრივი შედეგები შეიძლება განსხვავდებოდეს აღნიშნული შეფასებებისგან.

შეფასებების და ძირითადი დაშვებების გადახედვა მუდმივად ხორციელდება. შეფასებების გადახედვები აღიარებულია პერსპექტიულად.

ხელმძღვანელობის აზრით, სააღრიცხვო პოლიტიკის გამოყენებისას არ არსებობს კრიტიკული მსჯელობები, რომლებსაც მნიშვნელოვანი გავლენა ექნებათ ინდივიდუალურ ფინანსურ ანგარიშგებაში აღიარებულ თანხებზე.

ინფორმაცია დაშვებებსა და შეფასებებთან დაკავშირებული განუსაზღვრელობების შესახებ, რომლებიც მომდევნო ფინანსური წლის განმავლობაში აქტივებისა და ვალდებულებების საბალანსო ღირებულებების არსებითი კორექტირების გამოწვევის მნიშვნელოვან რისკს ატარებენ, განხილულია შემდეგ შენიშვაში:

- შენიშვნა 25 (h) - ძირითადი საშუალებების სასარგებლო მომსახურების ვადები;

სამართლიანი ღირებულებების შეფასება

ჯგუფის რამდენიმე სააღრიცხვო პოლიტიკა და განმარტება მოითხოვს ფინანსური და არაფინანსური აქტივებისა და ვალდებულებების სამართლიანი ღირებულების განსაზღვრას. სამართლიანი ღირებულება განისაზღვრა განმარტებისა და შეფასების მიზნებისათვის. სამართლიანი ღირებულება, შეფასების ტექნიკაში გამოყენებულ მონაცემებზე დაყრდნობით, იყოფა სამართლიანი ღირებულების იერარქიის შემდეგ დონეებად:

- დონე 1: აქტიურ ბაზრებზე კოტირებული ფასები (დაუკორექტირებელი) იდენტური აქტივებისა ან ვალდებულებებისთვის.
- დონე 2: პირველ დონეში შეტანილი კოტირებული ფასების გარდა არსებული მონაცემები, რომლებიც ხელმისაწვდომია აქტივებისა ან ვალდებულებებისთვის პირდაპირ (მაგ. ფასი) ან არაპირდაპირ (მაგ. ფასიდან გამომდინარე).
- დონე 3: აქტივის ან ვალდებულებისათვის ისეთი მონაცემები, რომლებიც არ ეფუძნება დაკვირვებად საბაზრო ინფორმაციას (არაემპირიული მონაცემები).